



UNIVERSITÄTS-
BIBLIOTHEK
PADERBORN

**Antoninus Diana Panormitanus, Clericus Regularis, Doctor
Celeberrimus, Coram S. D. N. Alexandro VII. Episcoporum
Examinator, & Sancti Officij Regni Siciliae Consultor,
Coordinatus, Seu Omnes ...**

Diana, Antonino

Lugduni, M. DC. LXXX.

Censura R. P. Martini Perez In Collegio D. Pavli Societatis Iesv Valentiae
Doctoris Theologi, & Primarij sacrae Theologiae in Academia Valentina,
atque in Aragoniae Corona apud Inquisitores Apostolicos ...

[urn:nbn:de:hbz:466:1-76393](https://nbn-resolving.org/urn:nbn:de:hbz:466:1-76393)

CENSURA D. MELCHIORIS FVSTER LIB. ARTIVM MAGISTRI,
& jam in Academia bis Primarij Aristotelis Interpretis, sacre Theologie Doctoris, & in eadem
Academia Professoris, utriusque facultatis Censoris, ac sancte Metropolitana Ecclesia
Præpositi.

DERENNE ac solemne percurri R. P. Dianæ morale opus, sed novâ ac nobili animatum cœlatura, pulcherrimis compositum areolis, pretiosis in unum tessellatum conchulis, amœnissimis distinctum viridariis, halantibus floridulum agellis R. P. D. Martinus de Alcolea ex glorioso Carthusiensis familiæ deserto per amœnam Resolutionum sylvam in formosum concinnavit viretum, umbrosam literaturæ nemus, septos distinxit in hortos. Amplos & ventrosos offerebat Diana celeberrimam disciplinæ Moralis calices, sed licet gemmatos propinabat dispersos: gravidas ostentabat, nitido clarentes auro, sententiarum spicas; sed spatiosis metendas arvis: Fundebat plenis calathis blandos, licet odoriferos flores; sed sic sparsis Sacræ Scientiæ aspergebat aras, ut fasciculus ex suis omnibus, sive purpureis Sacramentorum doctrinæ rosis, sive candidulis virtutum liliis plicaretur difficilè, ut plenam spiraret fragrantiam, nectarium redoleret odorem. Protulerat uberes & maturescentes fructus, sed sic variis pendulos pomariis, sic crispis & comantibus cinctos foliis, ut omnes unâ excerpere manu lynceis servatum esset luminibus: sic radiant in Alcolea ut cuncta decerperet lynceus, & flores aureo filo texeret in corollas ejusdem coloris, ac fructus miro ordine ejusdem nitoris calatho promeret eburneo, & manu candida non calicem, sed cantharum effunderet dulciferum, ac indore anhelò cereales porrigeret in auratos manipulos dispersas spicas. Hoc fecundo sinu & gremio divite Dianæ offert, & toti orbi doctissimum Alcolea. Mirum non est, ut scribat Diana epistolam per Excellentissimum Principem Duce de Montalto missam ad Alcoleam dicens: *Debitas tibi rependo gratias propter laborem quem suscipere dignatus es circa opera mea typis impressa. Erit enim opus nimis plausibile, & ab omnibus nimis expansis recipiendum, ne dicam amplius, quia laudando te, videor laudare me ipsum: & ideo ubique terrarum cum Alcolea audietur & Diana, & cum Diana Alcolea. Recognoscat Diana opus suum & Doctrina & verbis idem, eisdem gemmis enitescens, sed miro acervatis artificio, novâ & illustri insertis compagine. Clarum sanè opus, condimentum studiorum palato dulcissimum, & ad Hyblaum nectar quo infunditur, dignum ut convolent literatorum examina, & à toto Doctorum orbe excipiatur plausibus. Aspiciat igitur publicam lucem, fatiget prela pretiosus thesaurus ad commune bonum. Sic sentio. Valentia 8. Novembris 1656.*

D. MELCHIOR FVSTER.

CENSURA R. P. MARTINI PEREZ IN COLLEGIO D. PAULI SOCIETATIS IESV
Valentia Doctoris Theologi, & Primarij sacre Theologie in Academia Valentina, atque in
Aragonia Corona apud Inquisitores Apostolicos propositionum Fidei Censoris.

T primum videre licuit laboriosum & eruditum opus, quo totam moralem doctrinam Reverendi admodum Patris Antonini Dianæ variis Resolutionum Miscellaneis tractatibus longè lateque dispersum, facili methodo digestum in ordinem redegit Reverendus admodum sacri Ordinis Carthusiensis D. Martinus de Alcolea; miratus in primis hujus Religiosissimi Authoris ingenium, & indefessum laborem, non Censorem, sed laudatorem & encomiastem agere decrevi. Et quis enim non æterna laude dignum opus existimet, in quo tot probatissima doctrinæ opes, distitis in propriis locis repositæ simul, & ordinatæ exhibentur, ut eas possit regentis manus sine fastidio capere? Memini Divinum Opificem ipitio mundalis machinæ, dum primum aquas produxisset, approbatæ bonitatis elogium sinitisse, donec eas in unum locum congregasset. *Dixit vero Deus, congregentur aque que sub celo sunt in locum unum, & appareat arida. Et factum est ita. Et vocavit Deus aridam terram, congregationesque aquarum appellavit maria, & vidit Deus quod esset bonum. Genes. 1. cap. vers. 9.* quasi ultima aquarum celebris commodatio, licet alioqui per se satis commendabiles essent, illarum congregationi servaretur. Crystallina quidem sunt disciplinæ Moralis fluentia, quibus sapientissimus P. Antoninus Diana tot Doctissimorum hominum elogiis, jure ac merito celebratus, totum terrarum orbem irrigavit: sed quia variis erant tractatum tractatibus intercala, & eadem plerunque, licet novo uberioris doctrinæ incremento, aucta reperebantur, plausum fortasse negare poterat retardatio, quærentium impatiens aviditas, nisi in unum congregarentur. Quod sanè eâ cum laude & dexteritate præstitit eruditissimus P. Martinus de Alcolea; ut nihil amplius ad plenum elogium & plausum desiderari posse videatur. Quamobrem meum judicium est hoc opus, in quo tanta Moraliū difficultatum varietas optimo ordine digesta concinnatur, dignum esse, quod publicam lucem videat, publicæ innixum utilitati profuturum. In Collegio Valentino D. Pauli Societatis IESV, die 13. Octobris 1656.

MARTINVS PEREZ ab Vaano.

CENSURA R. P. AVGVSTINI DE CASTRO SOCIETATIS IESV, PHILIPPI IV.
Hispaniarum Regis Concionatoris, ac Supremi Sqnatus Censoris.

SATIUS semper fuit quàm multa congerere, cuncta disponere. Multa Jesus Syrach congestit, cuncta, nepos illius digessit. Eo ordine Ecclesiasticum accepimus, cujus dispositionis ordinem ad Canonicum cursum adduxit Ecclesia. Opes hinc inde compilavit David, ut Deo templum extrueret. Salomon architectonica arte ordinans, disponens cuncta dedit honorem Deo, orbi miraculum. Sapiens aedificator primum fundamentum ponit, ait Apostolus. Pretiosissima quæque Israëliticus populus offert, ut Sacerdotale præscriptum aedificetur tabernaculum, sed Beleeel & Obel Spiritu Dei afflantur, ut fabrica ordinatissima surgat. Dies me priusquam exempla deficient. Reverendus admodum Pater Antoninus Diana nihil non evolvit, invenit omnia, novit cuncta; Sed Spiritu afflatus alius tot lapides & ligna supposuit, disposuit, imposuit, ut cuncta sibi invicem responderent, ut lectores omnino juvaret, & in compendio omnia certa ostenderet. Quis potior est? Judico posteriorem. Habet Patris Antonini Diana doctrinæ probatissimas magnorum virorum censuras, non novum expectat judicium. Ordo probandus venit ex Supremo Sqnatus